

नर गाफल में क्यों सुतो रे,
ओड भरम रो भाकलीयो ।

ईश्वर रा गुण गावत गावत,
मालिक रा गुण गावत गावत,
एडो काई आयो थाने थाकलीयो,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो ॥

सत री संगत में कभी नहीं बैठे,
मूर्ख राखे मन मे टेटे,
अरे ज्यु ज्यु पापी पुरबला जेटे,
कियो नहीं माने कोई रे,
बंदा कियो नहीं माने कोई रे,
जहर हलाहल चाकलीयो,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो ॥

मतलब का जीव दसो दिश भटके,
अरे उठ प्रभाते जावे जट के,
मूंगरी पेडा थारे पैसो खटके,

सांझ पडीया रयो सोय रे,
बंदा सांझ पडीया रयो सोय रे,
बंदा सोय ने फाडीयो बाकलीयो,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो ॥

अरे थूल कपट में राजी बाजी,
अरे हस हस बात बनावे ताजी,
अरे देई थारी जरणी लागी,
अरे जन्म देई थारी जरणी लागी,
मिनक जन्म ने खोय रे,
बंदा मिनक जन्म ने खोय रे,
बंदा घोडो नरका हामी हाकलीयो,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो ॥

राम बिना थारो कोई नहीं संगी,
सिंह पूछ माथे नहीं टाकी,
एक बात थारे रे गई बाकी,
नाथ नही नाक में थारे,
नाथ नहीं नाक में थारे,
बंदा टूटने बांधीयो थाकलीयो,
ओड भरम रो भाकलीयो,
नर गाफल मे क्यु सुतो रे,
ओड भरम रो भाकलीयो ॥

कहे दानाराम सुन मेरे प्यारे,
हरी हिसाब लेवे न्यारे न्यारे,
होंठ कंठ छिप जासी थारे,
सायब रे थू सनमुख वेला,
सायब रे थू सनमुख वेला,
किकर बतावे थारो आंकलीयो,
ओड भरम रो भाकलीयो,
नर गाफल में क्योँ सुतो रे,
ओढ़ भरम रो भाकलीयो ॥

गायक शंकर जी टाक ।
प्रेषक मनीष सीरवी
9640557818

Source:

<https://www.bharattemples.com/nar-gaafal-me-kyo-suto-re-odh-bharam-ro-bhakali-yo/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>